

6

ANTIQVÆ
INSCRIPTIONIS,
QVA L. SCIPIONIS
BARBATI F. EXPRESSVM
est elogium, Explanatio.



PARISIIS,

M. DCXVII.

PARADIGMA INSCRIPTIONIS.

HONCOINO·PLOIRVME·COSENTIONT·R
DVONORO·OPTVMO·FVISE·VIRO
LVCION·SCIPIONE·FILIOS·BARBATI
CONSOL·CENSOR·AIDILIS·HIC·FVET·A
HEC·CEPIT·CORSICA·ALERIAQVE·VRBE
DEDET·TEMPESTATEBVS·AIDE·MERETO

Incisa est in Lapide longo palmos V. uncias IV. lato palm. II. unc. X. hac fere forma & inaequalitate characterum: nisi quod eos sculptor, ob tabellæ angustias, pene sibi cohærentes pressius finxit, cum in Lapide contra laxioribus spatiis distinguantur.



ANTIQVÆ

INSCRIPTIONIS,

QV A. L. SCIPIONIS

BARBATI F. EXPRESSVM

est elogium, Explanatio.



FOSSA est altero abhinc anno Romæ ad portam Capenam hæc Inscriptio. quæ quod interpretem fortasse nacta non sit, hæctenus neglecta & sine honore iacuit: à nonnullis etiam, quos merito rideas, barbari sequioris-que sæculi suspicione damnata est. Mihi vero, nisi mea me fallit coniectura, egregium hoc monumentum, nulli omnium quæ Romæ sunt vetustate concedere, at quæ inter præcipua memorabile videtur. Quod ut tute, Lector, mecum sentias, ubi sinceram eius sententiam expressero, res ipsa, ut spero, persuadebit. Sic enim legendam censeo.

• *Hunc unum plurimi consentiunt Romæ*

Bonorum optimum fuisse virum

Lucium Scipionem. Filius Barbari

Consul, Censor, Aedilis hic fuit.

Hic cepit Corsicam, Aleriamque urbem;

Dedit Tempestatibus ædem merito.

Nunc ergo suam ipsa, ut vides, prodit ætatem. Nam cum L. Scipionem, cuius elogium continet, Barbari filium vocet; Barbatum autem in Scipionum familia vnicum sciamus fuisse Cornelium Scipionem Barbatum, qui anno v. c. CDLVII. comitia Consulum creandorum causa Dictator habuit, & anno insequente Pontifex Max. ædem Concordiæ, Liuius teste, dedicauit: reliquum est, ut ad proxima omnino tempora Inscriptionem hanc referamus; atque adeo Duiliana ipsa, quæ vetustatis nomine præ omnibus hodie celebratur (si tamen hæc vere illa est antiqua, & non alia potius interpolata, priorisque loco, ut fama est, à posteris restituta) nihilo recentiorum esse fateamur. cum Duilij victoria naualis, cuius honori columna illa rostrata posita est, in annum inciderit ab v. c. CDXCIII. quem annum qui excepit, is L. Scipionem Consulem vidit, & res ab eo in Corsica gestas, quæ hoc elogio commemorantur.

Iam æuo illi, hoc est prisco & antiquo sæculo, congruere obsoletam vocum literarumque formam, quæ tota cernitur Inscriptione, quis neget? Quanquam vox quidem in ea nulla est, si Duonum excipias, quæ Latina prorsus & vsitata

non sit. Duonum autem pro Bono ab antiquis dici solitum auctor est Festus, apud quem etiam in Topper, Duona ad naues portare vetus scriptor ait, pro eo quod est Bona portare; & in Carmine Saliari Duonus ceruses, ut Grammatici exponunt, Bonus est creator. Hac igitur voce dempta, reliquæ omnes vulgo notæ sunt, sed à communi tamensu remota, vel orthographiæ dissimilitudine, vel inepto, ut videtur, discrepantium casuum nexu & coniunctione, vel denique inusitata duarum maxime literarum forma & charactere. Ceterum hæc omnia, ut ostendam, non exoticam barbariem, sed Romanam vetustatem illam redolent, quam dixi.

Atque ut hinc potissimum exordiar, Listud vncinatum, & Pad ΠΙ-Græcorum instar semiclausum, in alijs etiam eiusdem æui monimentis, nummis scilicet, tabulisque æreis videre est; & à nobis ipsis utriusque olim exemplum in Priuernatis lapidis fragmento, in quo APPIOS CONSOL inscriptus legebatur, animaduersum meminimus. Rursû quod O pro V passim exhibet in HONC, COSENTIONT, LVCION, & alijs, non opificis errore vel incitia, sed ex eo prorsus veterum more factum est, quo hæc inuicem, Fabio teste, permutabant, ut Hecoba, Notrix, & Dederont, Probaueront. Eodemque modo quia pro V longa nunc OI nunc OE usurpabant; hinc est quod OINO pro VNO scriptum est, &

lib. 1.
cap. 4

PLOIRVME pro plurume, sicut in alia Inscriptione Alatrina coirauit pro curauit, & in Siliorum plebiscito apud Festum oetier pro vtier. At vero V contra I loco scribere, vt PLOIRVME, OPTVMO, vsque adeo Romæ ab antiqua consuetudine inoleuerat, vt quod Optimus, Maximus, mediam I literâ, quæ veteribus V fuerat, acceperint, C. primum Cæsaris in inscriptione factum ferant. Ita quod E similiter I quoque locū occupat in PLOIRVME, FVET, DEDET, TEMPESTATE BVS, & MERETO, prisca itidem vetustatis est indicium, vel Duilianæ columnæ argumento, in qua Exemet pro Exemit & Cepet pro Cepit, aliaque id genus visuntur: & Inscriptionis eiusdem Alatrinx, in qua hæc inter alia ita scripta sunt, OBHAS RES SENATVS FILIO STIPENDIA MERETA, ESE IOVSIT. Quibus in verbis, aliud præterea extat in ESE & IOVSIT antiquæ scripturæ vestigium, quod & in hac quoque nostra in FVISE, & in Duiliana inscriptione in CLASES impressum est; cum simplici S hæc omnia scribantur, quæ gemina solemus. quia semiuocales, vt idem Fabius obseruat, non geminare diu fuit vetustissimi moris. Denique eiusdem omnia notæ comperies, si cetera persequare. Nam nihil est omnino, seu literarum formam spectes, seu variam illarum inter se permutationem, quod temere aut casu positum, & ab illo quem dixi prisca antiquitatis fonte ductum non sit. Restat vt de verborum nexu &

lib. 1.
cap. 7

iunctura dicamus: in quo vereor ne difficilior sit
persuadere.

Quis enim Romæ unquam ita locutos putet,
Lucium Scipione, cepit Corsica, dedit æde:
aut quis cetera fere omnia, quæ ad eum modum
vix cohærent, Latinæ linguæ legibus aduersari
& solœcisimis scatere non censeat? Verum hîc
tu mihi, Lector, paulisper, ut ait ille, sustine pa-
tientiam, & vide, num quod vitio errorique im-
putas,tribuendum sit potius vetustati. Quid
enim? an contra Grammaticæ leges scriptû dici *lib. de*
potest, quod eius artis vsum & leges omnes an- *illust.*
tecessit? Grammatica olim Romæ, ut Sucto- *Græ-*
nius Tranquillus testatur, ne in vfu quidem erat; *mat.*
rudi scilicet ac bellicosa gente armis potius
quam liberalibus disciplinis vacante: primus-
que ut idem opinatur, eius artis studium in vr-
bem intulit Crates Mallotês, Attali regis legatus,
inter secundum & tertium bellum Punicum,
hoc est annis post Scipionem Barbatum supra
centum & viginti. Ante id tempus, Grammaticæ
regulis nondum constitutis, vna Romæ loquendi
scribendique lex erat populi consuetudo. Quæ
quoniam continuo in motu varia erat, & subinde
mutabatur, ita Romanæ tum linguæ magnas fie-
ri necesse fuit mutationes: mirum ut proinde
non sit, vel Saliorum carmina vix tandem Sacer-
dotibus suis satis intellecta fuisse; quod Fabius
affirmat; vel Polybij ætate, ut ipsemet narrat li-
bro tertio, ægre etiam ab antiquitatis peritissi-

8 ANTIQ. INSCRIPTIONIS
mis potuisse explicari verba fœderis, quod Ro-
mani primum cum Carthaginiensibus post ex-
actos reges pepigerant. Non ergo, si quid est in
ista Inscriptione, quod aures nostras accuratis
Grammaticorû præceptionibus assuetas offen-
dat, id tanquam à recte loquendi scribendique
legibus abhorrens illico damnandum est. sed
illius potius ætatis agnoscenda conditio, quæ
nullis adhuc erudita magistris, cum scriptores
nondum ullos haberet, quorum exempla secta-
retur, in primis quodammodo linguæ suæ cu-
nabulis balbutiebat. Posthæc enim secuta est
artis disciplina, elegantissimorumque auctorum
imitatio, quæ rudem linguam perpoliuit, bre-
uique ad eam perfectionis dignitatem perduxit,
quæ florente republica vixit, stetitque quan-
diu Romana res stetit. tum exinde cum impe-
rio ipso sensim deflexit: & quod in ædificijs,
ceterisque rebus accidere solet, per eandem
gradus & incrementa, quibus adoleuerat, reuo-
cata, pristinam rursus ad infantiam, balbuti-
que redacta est.

Atque hæc quidem ita disserui, quasi in con-
fesso esset, Latinitatis leges neque in hac In-
scriptione seruatas, neque illo sæculo eas fuisse, quæ
postea fuerunt. Quid si contrà nihil in ea esse
contendamus, quod Grammaticorum placitis re-
pugnet, totamque istam, quæ admirationem parit,
vitiosæ orationis speciem, ab eadem ipsa, quam
in ceteris ostendimus, pronuntiandi scribendi-
antiqua

que antiqua consuetudine natam esse? Enimvero si rem propius intueare, animaduertes profecto, ea, quæ in hoc genere reprehenduntur, omnia ferme vnius M. literæ defectu in extremis aliquot vocibus laborare. Hanc autem, vt exilis & obscuri, cùm dictiones claudit, soni, nec enuntiari, nec scribi olim solitam, tum maxime cùm insequentium dictionum à vocali erat initium; atque hoc more, quod Fabius itidem ^{lib. 9. cap. 4} obseruat, DIE HANC, non, DIEM, scripsisse Censorium Catonem quis nescit? Fac igitur, quod Catonis ætate tum fiebat, cùm proximæ dictiones à vocalibus inchoabantur, id L. Scipionis rudiore adhuc æuo fieri consuesse, qualecūque illarum esset initium: atque ita, vbi M. litera in eius elogio expressa non est, expressam puta; vt OINOM, DVONOROM, OPTV-MOM, VIKOM, legas, & L. SCIPIONEM, itemque CEPIT CORSICAM, ALERIAMQUE VRBEM, & DEDET AIDEM: iam salua, atque integræ erunt omnia; nullæ paraptoses, nulla vocum absōna connexio, nihil denique quod Criticorum amussim censuramque reformidet.

Sed de Inscriptionis verbis, totaq. illorum compositione sat multa: nunc paucis quid illarum nos doceat (docet autem sane permulta) consideremus. Primum enim acceptum huic ferant necesse est Romanæ historiæ studiosi, quod Scipioni Barbato filium fuisse docet, cùm Barbati filium ij, qui Romanorum stem-

lib.

10.

Lib.

3.

cap. 6

mata describunt, nullum prodant. Nos verò huius admonitu L. Scipionem, non illum fanè, qui anno CDLV. Consul factus, in Hetruria, vt Liuius narrat, non in Corsica rem gessit; sed alterum anni CDXCIV. Consulem, Barbato patre natum didicimus. Hic enim est, quem de Corsis, Sardisque, & Pœnis proximo post anno triumphasse notant tabulæ Capitolinæ, cuiusque in Corsica victoriæ in Epitome Liuiana, & apud Florum, Eutropium, Orosium, & alios crebra est mentio. Ac ne quis ambiguo locus esset, Aleriam quoq. claram olim eius Insulæ urbem, Sulana posthæc, vt Plinius scribit, colonia nobilitatam, à Scipione captam tum fuisse, Zonaras, vel Dio potius apud Zonaram testatur: etsi pro Aleria Valeriam vocat; sed mendosi codicis vitium, vt hoc illi etiam inter cætera debeamus, corrigit Inscriptio. Et quamquam dissimulandum non est, L. Scipionem hunc, qui de Corsis triumphum egit, Lucii filium in Fastis appellari, Scipionem autem Barbatum à Liuiο Publium dici, non Lucium: nemo tamen est, qui non intelligat facilius fuisse, vt vel in tabulas Capitolinæ, vel in Liuij codicem error irreperet, quàm vt Inscriptionis huius, quæ L. Scipionem Barbati filium facit, in dubium vocari fides queat.

Quale porro est, quod eadem L. Scipionis Censuram (vt de Aedilitate nihil dicam) commemorans, simul nos quomodo restitui Capitolinæ tabulæ debeant, admonet, docetque C. Duilij

anno CDCCXCV. in Censura collegam Lucium hunc Scipionem fuisse, quem ex eâ tabulæ tribus tantum extremis literis designant? Scio aliter doctissimoviro, & Romanæ historiæ peritissimo, visum Onufrio Panuinio, quæ Cn. Scipionem Asinam suspicatus est. At vero assentiri ne possim facit, partim quod L. Scipionis censuræ locus in fastis nullus erit, nisi hic concedatur; partim quod si Cn. Scipio Censor cum Duilio fuisset, ut placet Onufrio, prælatus illi haud dubiè in fastis esset, cum prior quoque in Consulatu, quem biennio antè vna gessit, nominetur. Lucius autem noster cur Duilio in Censurâ postponatur, in promptu causa est, quod Consul quoq. post illum fuisset. Quare supplere sine fuco ex Inscriptione nostra licet, quod in tabulis Capitolinis eo loco desideratur. De Tempestatum autem æde quid dicam? siue illa est ædes Tempestatis, quam P. Victor in prima urbis regione, cui à porta Capena nomen, locat, siue alia uspiam ab hac diuersa, quod mihi ægrè persuaserim, quis nisi in hoc lapide legeretur, non eius ædis conditorem ignoraret? Causam quidem cur Tempestatî data sit ædes, exortam in mari Corsico tempestatem fuisse significat Ovidius, nec obscuri eius sunt versus è VI. Fa storum.

Te quoque, Tempestas, meritam delubra fatemur,

Cum penè est Corsis obruta classis aquis.

Sed: quam multos hæc ipsa Corsicæ procellæ

lib.
30.

commemoratio, dum afflictæ classis ductorem,
 ædisque auctorem quærunt, in errorem induxit?
 Nam fuisse qui ad Claudium Neronem anni DLI.
 Consullem, cuius atrox & naufragio proxima
 tempestas à Liuiio describitur, referendum cen-
 ferent: alij rursus Marcello, alij Metello, fri-
 uolis omnes ducti rationibus tribui maluerunt.
 quibus nimirum si elogium hoc legere licuisset,
 nunquam dubitassent, quin ex illius verbis pe-
 tenda esset Ouidianorum versuum interpretatiō.

Et tot igitur hisce nominibus in lucem prodire
 tam illustre mōnimentum intererat, & ipsius in
 primis, cuius laudes exequitur, L. Scipionis,
 quem bonorum ætatis suæ virorum optimum
 in tenebris perpetuò iacere par profecto non
 erat: & tamen apud alios quidem scriptores
 hoc eius virtutis præconium frustra quæras; ita
 de illo silent omnes, cum P. Nasicam ex eadem
 gente centum ferè post annis optimum virum
 Senatus sententiâ iudicatum, dignumque, qui
 Magnæ Matris simulacrum exciperet habitum,
 plurimi literis prodiderint; & in Atilij Calatini
 sepulcro non dissimile incisum elogium Cicero
 ipse in Catone non sileat, Quem plurimæ con-
 sentiunt gentes populi primarium fuisse virum.

Cuius ego Atiliani elogij quoties remini-
 scor, toties in mentem venit, ad L. quoque Sci-
 pionis sepulcrum pertinuisse Inscriptionem in
 qua versamur: ut duorum clarissimorum ci-
 uium, ætate, honoribus, rebus gestis prope